



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno Christi 726. Usque Ad Annum 813

Fleury, Claude

August. Vind. [u.a.], 1760

VD18 90117859

§.17. Epistola nomine S. Petri data.

[urn:nbn:de:hbz:466:1-66091](https://nbn-resolving.org/urn:nbn:de:hbz:466:1-66091)

Sæcul. VIII.

A.C. 755.

absiderunt, messes contriverunt, jamque inedia morimur. Servos S. Petri & Romanorum plurimos jugulaverunt, alios in captivitatem abstraxerunt: innocentes infantulos a mamillis matrum rapuerunt & interemerunt. Tanta malitia nunquam a paganis Gentibus passus sumus.

§. XVII.

Epistola Nomine S. Petri data.

Tandem Papa, in extrema constitutus necessitate, industria, cujus exemplum nec superiora nec sequentia tempora in tota Historia Ecclesiastica præbent, usus, data nomine S. Petri ad Regem & Francos Epistola Apostolum ipsum loquentem, quasi adhuc in terra viveret, induxit. Titulus ex Epistolis Canonice desumptus est hujusmodi: *Petrus vocatus Apostolus a Jesu Christo Divini vivi Filio.* Et infra cum S. Petro etiam S. Virginem, Angelos, Martyres, omnes alios Sanctos perorantes inducit, ut Franci currerent & subvenirent antequam mors vivus, unde sacriati & renati essent, arefceret, & antequam Mater eorum Spiritus ab impiis violaretur. *Adjuro vos, inquit, Dilectissimi! per Deum vivum! minime permittatis, banc Civitatem meam Romanam & in ea habitantem populum amplius a Gente Longobardorum*

laniari; ne lanientur & crucientur corpora & animæ vestræ in æterno atque inextinguibili igni tartareo, ne dispergantur oves Dominici gregis mihi commissi, ne vos dispergat & projiciat Dominus, sicut Israeliticus populus dispersus est. Et post pauca: Si obedieritis velociter, magnam inde mercedem recipietis, omnes vestros inimicos superabitis, eritis longævi, bona terræ comedetis, & æterna procul dubio fruemini vita. Sin autem, sciatis vos ex Auctoritate Sanctæ & unicæ Trinitatis per Gratiam Apostolatus mei vos alienari a Regno Dei & vita æterna.

Sæcul. VIII.
A. C. 755.

Hæc epistola plurimum confert ad cognoscendum illius ævi genium, & quousque prosopopœjam viri alias gravissimi, si hanc oratorum figuram in rem suam facere crederent, extenderint. (*) Ceterum epistola ista, sicut & priores, vocibus æquivocis scatet. Vox Ecclesia non congregationem Fidelium, sed Bona temporalia Deo consecrata significat. Grex

Q 4 Jesu

(*) Nimiis est hic iterum nec satis æquus Judex P. Balduinus dicens, quod Fleurius Stephanum & Paulum Pontifices tanquam Impostores (Fourbes) redarguat, quod epistolam a S. Petro scriptam commenti essent. Qui vero nimium affert, nihil probat. Ceterum etiam Cardinalis Baronius de hujus epistolæ modo dicit: *quod nunquam hactenus factum vidimus.*

Sæcul. VIII.
A. C. 755.

Jesu Christi non animæ sunt, sed corpora. Promissiones bonorum temporalium antiquæ Legis cum pollicitationibus Spiritualium donorum Evangelii miscentur, & argumenta, quæ Religio habet sanctissima, in causa Reipublicæ adhibentur. (*)

§. XVIII.

Donatio Pipini.

Pipinus summis precibus exoratus in Longobardiam cum universis viribus movit; cumque in finibus Italiæ esset, Romam pervenerunt Legati Imperatoris Constantini Gregorius Prototartarius & Joannes Silentarius ad Pipinum pro-

(*) Poterat utique, & Sancta intentione poterat, Stephanus Papa, præsertim consentiente populo Romano atque pensatis illorum temporum adjunctis, impedire, ne Longobardi Ducum Romanum & Exarchatum suæ potestati subjicerent, poterat ad eum finem obtinendum etiam argumenta spiritualia adhibere. Sedes reliquæ Patriarchales in Orbe Christiano, scilicet, Alexandrina, Antiochena, Jerosolymitana sub jugo Saracenorum tantum non oppressæ gemebant. Sedem Constantinopolitanam Imperatorum Græcorum vexabat insania. Non ergo miremur, quod tandem Pontifices crediderint, ad Fidem Catholicam per totum Orbem
facilius